

永樂大典卷之一萬二千八百四十八 十八養

享

燕享

事類合璧禮經考索燕享君臣俱有之禮也然享以訓恭儉

此其所以訓恭儉宴則不然有折俎焉得以相與而共食非所以示慈惠而然乎古者慈惠以布政而恭儉以行禮二者所以成其政也然又不能無隆殺之辨上公三享二燕侯伯二享再燕子男一享一燕上下如是亦豈泯然無等哉設或有故不親享燕之禮則各以其幣致之亦所以見將意以致敬者不可廢也然燕享之大聚不可以不之知也唐虞夏商遠矣無所攷證周人郁郁乎文其禮備載於周官之書者可覆也及周之衰此禮浸失秦漢而降間亦行焉然非復古人之舊矣國朝遇臣有禮待下有致無秦漢衰世之失有成周盛時之得相與維持於千百餘年之久者蓋有足觀歟辨府元龜傳曰享以訓恭儉宴以示慈惠恭儉以行禮慈惠以布政故享有體薦宴有折俎王室之禮也夏啓釣臺之會周文在鎬之飲

皆紀諸冊書而形於雅頌矣。後世或諸侯歸時事於宰族四夷奉國珍於外府。叙賓以昭德。班勞以策勳。習射以講禮。時巡而展義。或弭節故里。臨享父老。或周覽都畿。欽賜官屬。至於五兵銷偃。品物茂遂。時乃置酒高會。合飲成禮。奉觴上壽。加以贈賄。上賜之以景福。下報之以盡心。此王者之盛典也。易者需雲之象。書紀棗欽之篇。詩曰。公尸燕飲。福祿來為。皆宴衍之謂矣。玉海君臣之分。以嚴為主。朝廷之禮。以敬為主。然一於嚴。終則情或不通。無以盡忠告之益。故制為燕饗之禮。以通上下之情。於朝曰君臣。為於燕曰賓主焉。先王以禮使臣之厚。於此見矣。夏玉海左傳昭四年六月丙午。椒舉曰。夏啟有鈞臺之饗。注在河。南陽翟縣南。世紀云在豫西。啟饗諸侯於此。周耕庸元龜文王燕羣臣嘉賓。既飲食之。又實幣帛箱篚。以將其厚意。故有鹿鳴之詩。武王於鎬京樂八音之樂。與羣臣飲酒。故魚藻之詩曰。王在鎬。豈樂飲酒。豈亦樂也。平王時。虢公晉侯朝王。王饗禮命之有王之親。羣后始則行饗禮。先置醴酒。亦不忘古。飲宴則命以幣物。賓助也。所以助歡飲之意。皆賜玉五穀。馬三匹。非禮也。王命諸侯名位不同。禮亦異數。不以禮假人。襄王時。晉侯朝王。王饗禮命之有。定王時。晉侯使士會平王室。王饗之。原襄公相禮。原襄公。周大夫。禮。佐也。敬

燕系升也。升穀於鼎。武子私問其故。饗當體薦而穀燕於陰問之。武子會
饗季其字。王聞之召武子曰季氏而弗聞乎。王饗有體薦。饗則半解其體
而薦之。所以示其安。宴有折俎。體解而折升之於俎。物皆可食。所以示慈
惠也。公當饗。卿當宴。王室之禮也。公謂諸侯。武子歸而講求典禮以修晉
國之法。言典謂禮之廢久也。玉海國語晉隨會聘于周。定王饗之。敬燕范
子私於原公曰。此何禮也。王召士季曰。子弗聞乎。禘郊之事。則有全燕。王
公立。則有房燕。即饗禮也。親戚宴饗。則有穀燕。今叔父使士季實來。唯
是先王之宴禮。欲以貽女余一人。敢設醑禘焉。且唯戎翟。則有體薦。坐諸
門外。而使舌人體委與之。柔介之官也。今王室之一二兄弟。以時相見。將
蘇協典禮。以示民訓。則無亦選其馨香。擇其柔嘉。潔其酒醴。品其豆蓬。脩
其簋簠。奉其犧象。出其尊彝。陳其鼎俎。靜其中幕。敬其後除。體解節折。而
共飲食之。於是有折俎加豆。酬幣宴賓。以示容合好。歲飲不倦。時宴不違。
月會旬脩。日全不忘。古之善禮者。將焉用全燕。詩云。注。燕私也。不脫獲
升堂謂之燕。莫云私者。固非常之事。居攝大疑於堂。則有飲禮焉。聽朝焉。
公。周禮掌客。王合諸侯而饗禮。則具十有一牢。庶具百物備。諸侯長
十有再獻。凡諸侯之禮。上公五積。侯伯四積。子男三積。大行人。掌大

賓之禮上公饗禮九獻食禮九舉。出入五積三問三勞諸侯饗禮七獻食禮七舉。出入四積再問再勞諸伯如侯禮諸子饗禮五獻食禮五舉。出入三積壹問壹勞諸男如子禮。注饗設五禮以飲賓也。大國之孤執皮帛以繼小國之君。出入三積不問壹勞。司儀王燕則諸侯毛朝事尊上爵燕則執親上爵。大宗伯以饗燕之禮親四方之賓客。樂師饗食諸侯序其樂事。鍾師饗食奏燕樂。外饗邦饗耆老孤子則掌制亨饗士庶子亦如之。酒正共其酒無酌數。儀禮燕禮工歌鹿鳴四牡皇皇者華笙入奏南陔白華華黍乃間歌魚麗笙由庚歌南有嘉魚笙崇丘歌南山有臺笙由儀遂歌鄉樂周南關雎葛覃卷耳召南鵲巢采芣采蘋大師告于樂正曰正歌備奏陔遂出以樂納賓則賓及庭奏肆夏公拜受爵而奏肆夏升歌鹿鳴下管新宮笙入三成遂合鄉樂若舞則勺有房中之樂。記禮器周依酬六尸曹子曰周禮其猶醻與。張訓相酌王居明堂之禮仲秋乃命國祿詩鹿鳴燕羣臣嘉賓注飲之而有酬幣食之而有侑幣。常燕兄弟伐木燕朋友故舊陳蹟八蓋。美謂食禮湛露天子燕諸侯注宗子將有事則族人皆待不醉而出是不親也。醉而不出是深宗也。箋云天子燕諸侯之禮亡既醉序注成王祭宗

廟祿酬下編羣臣至于無筭爵故云醉焉乃見十倫之義志意充滿是謂之飽德賓之初筵疏禮有獻酢與祿酬及無筭爵祿與無筭不止三爵而已故知三爵是獻也酢也酬也左傳莊公二十年冬王子頽饗五大夫注王子頽現立乃為萬國等五大夫設饗燕之禮樂及編舞鄭伯聞之見號叔曰寡人聞之哀樂失時殃咎必至今王子頽歌舞不倦樂禍也僖十二年冬齊侯使管夷吾平戎于王使隰朋平戎于晉王以上卿之禮饗管仲注管仲下卿王乃為加禮設饗燕故以上卿之禮饗之管仲辭曰臣賤有司也有天子之二守國高在若節春秋來承王命何以禮焉陪臣敢辭王曰舅氏余嘉乃勲應乃懿德謂皆不忘佳踐乃職無逆朕命管仲受下卿之禮而還君子曰管仲之世祀也宜哉讓不忘其上曰愷悌君子神所勞矣二十五年晉侯朝王饗醴命之宥二十八年獻楚俘王饗醴命晉侯宥加之帶束以助勤也文四年甯武子曰諸侯朝正於王王宴樂之賦湛露宣十六年冬士會問穀烝王曰王饗有體薦宴有折俎公富饗即當宴王室之禮也疏禮升殺於俎皆謂之烝烝升也切肉為殷升俎謂之殷烝公侯來朝王為設饗則有體薦薦其半體亦謂之房烝晉荀躒如周葬穆后昭十五年諸侯為介景王饗之求麇器藉談辭以王重

不及云云王曰叔氏而忘諸乎叔父唐叔云云又成二年晉獻齊捷事亦類此定王案此二王多識前言往行實於晉大夫遠矣成十二年晉郤至曰諸侯相朝有饗宴之禮饗以訓恭儉宴以示慈惠注饗有體薦設几而不倚爵盈而不飲穀乾而不食宴則折俎相與共食襄三年晉與魏絳禮食魯語叔孫穆子曰夫先樂金奏肆夏繁追渠天子所以饗元侯也歌文王大明縣則兩君相見之樂也餘見養老類晉語公子如楚楚成王以周禮饗之九獻庭實侏百中庸殊酬下為上所以逮賤也燕毛所以序齒也既祭而燕說苑齊景公登耐晏子脩食禮以待漢郡府元龜高祖四年十一月帝自成車西入關至櫟陽存問父老置酒留四日復如軍五年五月兵皆罷歸帝置酒雒陽南宮上曰通侯諸將毋敢隱朕吾所以有天下者何高起王陵對曰云云上曰三者皆人傑吾能用之所以取天下也羣臣說服六年三月帝置酒封雍齒因趣丞相急定功行封七年十月長樂宮成羣臣朝禮畢盡伏置酒注酒言禮酌飲之不至醉以尊卑次起上壽觴九行謁者言罷酒御史格法舉不如儀輒引去竟朝置酒無敢謹謹失禮者九年十月淮南王梁王趙王楚王朝未央宮置酒前殿帝奉玉卮為太上皇壽曰始大人常以臣亡賴不能

治產業不如仲力令某之業所就。孰與仲多。殿上羣臣皆稱萬歲。大笑。為樂。十二年十月。帝破黠布軍。還過沛。留置酒。沛宮召故人父老子弟佐酒。發沛中兒得百二十人。歌酒酣。帝擊筑自歌。曰。大風起兮雲飛揚。威加海內兮歸故鄉。安得猛士兮守四方。令兒皆和習之。帝乃起舞。慷慨傷懷。注數行下。謂沛父兄曰。游子悲故鄉。沛父老諸母故人日樂飲。吾日樂飲也。極歡道舊故。為笑樂十餘日。帝欲去沛。沛中空縣皆之邑。西獻帝留止。張飲三日。武帝太始三年正月。行幸甘泉宮。饗外國客。五月。還幸建章宮。大置酒。赦天下。王莽。武帝雖用夏正。然每月朔。至於十月朔。猶常奉會其儀。夜漏未盡七刻。鐘鳴。更賀及誓。公侯皆二千石。萬二千石。六百石。屬四百石以下。百官賀。正月二千石以上。上殿稱萬歲。樂賜御食。前司空奉羹。大司農奉飯。奉食舉樂。百官受賜。宴饗大作樂。拜見元會。昭帝元鳳二年四月。自建章宮徙未央宮。大置酒。王莽賜郎從官車。及家室子。賜人二十萬。七尺。獻牛酒者。賜帛人一匹。王尊傳。正月。行幸曲臺。臨饗罷。衛士周官外饗。饗士。庶子注。士庶子衛王官者。若今時饗衛士。漢祿在燕。禮博士飲酒禮。儀禮燕禮。燕朝服於寢。注燕於路寢。相親昵也。今祿燕十。行此燕禮。食冠而衣皮。赤服與禮異。成紀。鴻嘉二年。三月。博士行飲酒。

禮有惟飛集于庭。王式傳。江公謂歌吹諸生曰。歌繼助。注如淳曰。學官自有此法。酒主歌吹以相樂也。元帝建昭四年正月。以誅鄧支單于告祠郊廟。赦天下。羣臣上壽置酒。以圖書示後宮貴人。時鄧支之圖書也。後漢光武建武三年十月。幸春陵。因置酒舊宅。大會故人父老。六年二月。大司馬吳漢拔胸。獲董憲龐萌。山東悉平。諸將還京師。置酒賞賜。十三年四月。大司馬吳漢平公孫述。自蜀還京師。於是大饗將士。班勞策勳。時年也。謂偏奉勞。衆之勞。音力到智下同。十七年十月。幸章陵祠舊宅。觀田廬置酒作樂賞賜。時宗室諸母因酣悅。相與語曰。文叔少時謹信。與人不款曲。唯直柔耳。帝聞之。大笑曰。吾理天下。亦欲以柔道行。十九年九月。南巡狩。幸汝南南頓縣舍。置酒會賜吏人。二十五年春。四夷朝賀。絡繹而至。帝命大會勞饗。賜以珍寶。明帝永平二年十月。西巡狩。幸長安。有事於十一陵。歷覽郡邑。會郡縣吏勞賜作樂。三年十月。從太后幸章陵。觀舊廬置酒會陰鄧故人諸家子孫。並受賞賜。十年閏四月。幸南陽祠舊宅。禮畢召校官弟子作雅樂奏鹿鳴。帝自御塤。荒和之。以娛嘉賓。還幸南頓。勞饗三老官屬。章帝建初七年九月。幸鄴。勞饗魏郡守令已下。至于三老門閭。走卒賜錢各有差。十月。西巡狩。幸長安。近幸槐里。又幸長

平東至高陵而還。每所到幸輒會郡縣吏人勞賜作樂。元和二年二月
辛泰山辛未。柴告岱宗。遂觀東后饗。賜王侯羣臣。和帝永元十四年三
月戊辰。臨辟雍饗射。大赦天下。十五年十月戊申。幸章陵。癸丑會宗室
於舊廬。勞賜作樂。安帝延光三年二月辛卯。幸泰山。柴告岱宗。癸巳勞
賜郡縣作樂。十月行幸長安。丁亥會三輔守令掾吏於長安作樂。順
帝陽嘉元年三月庚寅。臨辟雍饗射。永和二年十月丙午。幸未央宮。會
三輔郡守都尉及官屬。勞賜作樂。漢安二年六月。遣行中郎將持節護
送南單于守義王兜樓儲歸南庭。單于先在京師。詔太常大鴻臚與諸國
侍子於廣陽城門外。廣陽洛陽城西南頭門。祖會饗賜作樂。角抵百戲。
角抵之戲。則魚龍角馬之屬。言兩兩相當。亦角而為敵對。即今之闘。則古
之角抵也。帝幸胡桃宮臨觀之。桓帝延熹元年五月己酉。大會公卿以下
賞賜各有差。玉海。馬融廣成頌。幸師堂。伍伯校于堂山。豐常滿。房祖無空。
酒止。東陽。膳夫。楮行。清醪。車遠。嗜夫。解將。鼓鼓。來。壽。理。為。祝。賜。魏文
帝初為魏王。延康元年六月。南征。七月甲午。軍次于譙。大饗六軍。及譙父
老百姓于邑東。設伎樂百戲。令曰。先王昏樂其所。生禮不忘其本。然霸王
之邦。貢人本出。其後譙租稅二年。三老吏民上壽。日夕而罷。玉海。大饗。

云昔酒波派有燕陵積。雖夏林鈞奎之事。周成岐陽之使。高祖邑中之會。光武舊里之宴。何以尚茲。明帝青龍二年八月幸壽春。已未大耀兵饗

六軍。高貴鄉公甘露元年二月丙辰宴羣臣於太極東堂。後魏道

武登國七年正月辛未根山。遂次黑鹽池。饗宴羣臣。親諸國貢使。北之美

水。三月甲子宴羣臣於水濱。八年七月車駕臨幸新壇。庚寅宴羣臣

講武。皇始二年正月己亥朔車駕在魯口城大饗羣臣。明元永興四

年四月乙未宴羣臣於西宮。使各獻直言。五年十一月癸酉大饗于西

宮。神瑞二年二月丁亥大饗于西宮。泰常五年正月庚戌朔自薛林

東還至于屋賓城饗勞將士。七年二月丙戌車駕自雲中還大饗于西

宮。太武始元二年九月丁卯以永安安樂二殿成大饗以落之。太平真

君五年二月庚辰行幸廬。三月戊子大會于都南。十年正月戊辰朔車

駕在漠南伐噉蠕。大饗百寮。文成太安四年正月庚午於遼西黃山宮

游宴數日。親對高年勞問疾苦。二月丙子登碣石山觀滄海。大饗羣臣

於山上。班賞進爵各有差。九月辛亥太華殿成丙寅饗羣臣。大赦天下

孝文太和元年十月癸酉宴京邑耆老年七十以上於太華殿。賜以衣

服。九年正月癸未饗羣臣于太華殿。十六年正月戊午朔饗羣臣於

太華殿帝始為王公興樂起而樂以翌日祀獻文於明堂也二月詔罷寒食饗時懷太帝殿始太極殿十月庚戌太極殿成大饗羣臣

十七年正月壬子朔帝饗百寮於太極殿十八年五月詔罷五月五

日七月七日饗十九年正月辛未朔車駕在縣縣時帝南伐朝饗羣臣

於方丈竹堂樂作酒酣乃歌曰白日光天兮無不耀江左一隅獨未照彭

城王勰續歌曰願從聖明兮登衡會萬國馳誠混日外長兼給事黃門侍

郎鄭懿歌曰雲雷大振兮天門闢率土來賓一正曆中書侍郎兼黃門侍

郎邢巖歌曰舜舞干羽兮天下歸文德遠被莫不思祕書丞兼中書侍郎

鄭道昭歌曰皇風一鼓兮九地而戴日依天清六合帝又歌曰遵彼汝墳

兮昔化貞未若今日道風明黃門侍郎兼司徒左長史宋業歌曰文王政

教兮暉江沼寧如大化光四表帝謂道昭曰自比遷務雖猥與諸才雋不

廢詠歌遂命邢巖摠集叙記八月甲子引羣臣歷宣殿堂初帝嘗詔延

四廟之子下逮玄孫之胄申宗宴於皇信堂不以爵秩為列悉序昭穆為

次用家人之禮後又引見王公侍臣於清徽堂謂曰此堂成未與王公

行宴樂之禮後東閣廡堂粗復始就故今與諸賢欲無高而不昇無小而

不入周之派化渠帝曰此曲水者亦有其義取軌道曲成萬物無滯也次

之洗煩池帝曰此池中亦有佳魚任城王澄曰此謂魚在在藻有頌其首
帝曰且取王在靈沼於初魚躍也次之觀德殿帝曰射以觀德故遂命之
次之疑閣堂帝曰名目要有其義此蓋取天子閑居義不可縱奢以忘儉
自安以忘危故此堂後作茅茨堂謂僕射李冲曰此東曰步元廡西曰遊
凱廡此堂雖無唐堯之君卿等當無愧於元凱冲對曰臣既遭唐堯之君
不敢辭元凱之譽帝曰光景垂落朕同宗則有載考之義卿等將出無遠
何得默爾德音即命黃門郎崔光郭祚通直郎邢巒崔休等賦詩言志燭
至公卿辭退李冲再拜上千萬歲壽帝曰卿向以燭至致辭復獻於千萬
之壽朕報卿以南山之詩帝曰燭至辭退庶姓之禮在夜載考宗族之義
卿等且還朕與諸王宗室欲成此夜飲二十三年正月戊寅朔羣臣以帝
疾瘳上壽大饗於澄鸞殿宣武景明三年十二月壬寅饗羣臣于太極
前殿各賜布帛有差孝莊永安二年七月爾朱兆破元顥帝還京師乙
亥宴勞天柱大將軍爾朱榮上黨王天穆及北來督將於都臺出宮人三
百繒錦雜綵數萬匹班賜有差前廢帝普泰元年四月癸卯幸華林都
亭讌射班錫有差太樂奏伎有倡優為愚癡者帝以非雅戲詔罷之出
帝太昌元年五月乙巳幸華林都亭宴羣臣班奏有差八月壬戌朔齊

文襄王來朝。燕射班賽部下各有差。九月庚子帝幸華林都亭。引見元樹及公卿百寮。舊使督將等射。班賽各有差。永熙二年正月庚寅朔朝饗羣臣太極前殿。八月乙丑齊文襄王來朝。帝燕於華林都亭。班賽部下各有差。西魏文帝大統八年十二月狩於華陰。大饗將士。後周

明帝武成二年正月癸丑朔大會羣臣于紫極殿。始用百戲。三月辛酉重陽閣成。會羣公列將卿大夫及突厥使者於芳林園。賜錢帛各有差。

武帝保定元年正月丙子大射於正武殿。賜百官各有差。二年十月辛亥御大殿大射。諸卿列將皆會。天和元年正月辛巳露寢成。考之令羣臣賦古詩。京邑耆老並預會。馬頌賜各有差。三年三月丁未大會百僚及四方賓客於露寢。賜衣馬錢帛各有差。建德三年正月丙子停二

十四軍督將已下。誠以軍旅之法。縱酒盡歡。六年二月平濟論定。諸軍敷置酒於齊太極殿。會軍士以上。班賜各有差。四月大會羣臣及諸蕃

客於露寢。隋高祖開皇三年二月庚申宴百僚。班賜各有差。壬申宴北道熟人。四年正月甲戌大射於北苑。十日而罷。四月丁未宴突厥

高麗吐谷渾使者於大興殿。七年二月壬申幸醴泉宮。召兵部尚書韋師與左僕射高穎上柱國韓擒虎等。於卧内賜宴。令各敘舊事。以為笑樂。

十月癸亥幸蒲州丙寅宴父老帝極歡曰此間人物衣服鮮麗容止閑雅民由仕宦之鄉陶染成俗也八年九月丁丑宴南征諸將頒賜各有

差十二年十一月壬午宴百僚頒賜各有差甲子賜百僚大射於武德

殿十三年二月戊子宴考使於嘉州殿考使皆先使考使十七年

五月庚申宴百僚於玉女泉頒賜各有差十九年正月戊寅大射於武

德殿宴賜百官場帝大業三年六月北巡狩至榆林郡丁酉啓民可汗

來朝甲辰御北樓觀漁于河北宴百僚七月辛亥啓民可汗上表請變

服襲冠帶甲辰於郡城東御大帳其下備儀衛建旌旗宴啓民及其部落

三千五百人奏百戲之樂賜啓民及其部落各有差八月乙酉幸啓民

帳宴賜極厚九月己未次濟源幸御史大夫張衡宅宴享極歡四年

正月庚戌百僚大射於允武殿五年二月戊申自東都還京丙辰宴者

舊四百人於武德殿頒賜各有差三月西巡五月甲申宴羣臣於金山

之上六月丙辰御觀風行殿盛陳文物奏九部樂設魚龍曼延宴高昌

王麴伯雅及伊吾吐屯設於殿上時二王未朝以寵異之其蠻夷陪列者

三十餘國六年三月幸江都宮四月丁未宴江淮已酉父老頒賜各有

差七年二月己未升釣臺揚子津大宴百僚頒賜各有差十一年正月

甲午朔大宴百僚乙卯大會樂處設魚龍曼延之樂頒賜各有差唐
高祖武德元年五月戊辰宴羣臣賜帛各有差八月庚子宴設三品以
上賜雜綵各有差十月宴突厥使者奏九部樂於庭引骨咄祿特勤升
御坐以寵之十一月己酉秦王降薛仁果秦王太宗也帝聞大悅因置
酒高會奏九部樂賜羣臣錢各有差癸亥秦王凱旋獻俘帝置酒宴師及
骨咄祿特勤於玄武門賜布帛各有差戊辰宴羣臣十二月庚寅宴突
厥骨咄祿特勤等於殿內二年二月癸巳宴羣臣臨奏九部樂賜錢各
有差極歡而罷閏二月甲辰考羣臣以李綱孫伏伽為上第置酒高會
奏九部樂於庭帝謂裴寂曰隋末無道上下相蒙主則驕矜臣唯諂佞上
不聞過下不盡忠至使社稷傾危身死匹夫之手朕撥亂反正念在安民
平亂任武臣官方委文吏庶得各展器能以救不逮比每虛心接待冀聞
謫言然唯李綱若盡忠款孫伏伽可謂誠直餘人猶踵獎風俛首而已豈
朕所望哉當以身為嬰兒方朕為慈父有懷必盡有意必申也因命捨君
臣之敬帝頻舉觴以屬公卿羣臣迭上壽極歡而罷賜帛各有差四月
甲辰遣大理卿鄭楚之安撫山東夏侯端安撫淮左奏九部樂設宴而遣
之五月戊辰宴并州從官五品以上於仁壽殿極歡賜帛各有差丙寅

奏九部樂於庭宴京州使人官賞各有差謂與官反賞物也三年正月
甲午宴突厥奏九部樂於庭賜綵有差四月壬戌秦王平并州悉復故
地帝大悅置酒含章殿宴羣臣極歡遣八御府賜綵皆盡重而出五
月庚午宴突厥使奏九部樂於庭賜帛各有差辛卯秦王平并州凱旋獻
捷於太廟帝置酒高會極歡而罷六月丁酉宴東征官僚奏九部樂帝
親舉酒以屬百官極歡而罷己酉大會東征將士奏九部樂於庭癸丑幸
昆明池宴從官賜錢各有差七月戊辰宴羣臣八月庚戌宴羣臣奏
九部樂於庭賜布帛有差唐玄武門宴羣臣見御詩及門闕類唐
升霄樓宴見樓類唐集仙殿麗正院賜宴見院類四年三月丁
酉宴西突厥之使奏九部樂於庭賜帛各有差五月癸亥宴五品已上
奏九部樂於庭丁丑以王世充平安羣臣賜帛各有差七月戊辰宴羣
臣奏九部樂於庭帝舉酒屬百官極歡乃罷賜錢帛各有差九月癸亥
賜五品以上射於武德殿賞金銀綾綺各有差五年正月辛丑賜羣臣
大射於玄武門賚綵帛各有差壬子幸昆明池宴從官賜帛各有差三
月己酉宴羣臣及京城父老賜布帛各有差七月乙酉秦王平王世充
班師丙戌宴旋師賜帛各有差六年三月己丑宴五品已上於昭德殿

賜帛各有差。九月丙子。宴五品已上於苑內。謂公卿曰。昔漢高定天下。以蕭曹張陳爲良佐。任以政事。朕應天命。剋平區宇。仗任卿等。自謂不謝古人。因舉酒以屬羣臣。極歡而罷。十月甲辰。以有年。宴羣臣。賜物各有差。七年二月。宴突厥使者。秦九部樂於庭。三月己卯。幸琅邪公主第。宴從官五品已上。賚帛各有差。四月癸卯。宴羣臣。秦九部樂。賜帛各有差。丙午。宴王公親屬於文明殿。帝見長平王太妃。以屬從家人禮。降階再拜。酒小闌。移坐翠華殿。帝賦詩。王公遞上壽。賜帛各有差。六月戊戌。右武候大將軍丘和。以交州首領來朝。秦九部樂以宴之。賚物各有差。七月壬子。幸東宮。宴從官下至骨徒。頒賜有差。八年正月甲寅。幸秦王第。謂羣臣曰。朕以秦王有大功。故於宮中立第。以異之。從是宴五品已上。設奇伎百戲。賜帛各有差。二月甲午。幸齊王元吉第。宴五品已上。賚賜各有差。三月丁酉。宴羣臣於玄武門。陳倡優爛慢之夜。四月丁未。幸崔果於殿門。宴五品已上。上頌者十餘人。極歡而罷。己丑。宴西蕃突厥使。使者秦九部樂於庭。五月乙巳。宴五品已上。及外戚於內殿。賦詩。賜綵極歡而罷。十二月辛巳。車駕狩鳴犢泉。迴宴從官。賚物綵帛各有差。九年三月丙申。宴朝集使於百福殿。秦九部樂於庭。五月乙卯。宴羣臣。六